

COLOMBIANO GARA DEN HOTEL CU CANTIDAD DI BOLITAS DEN STOMA

ORANJESTAD(AAN): -- Ayera den oranan di dia e personal di departamento di droga tabata activo riba un caso di droga.

Ta asina cu nan a haya un informacion cu den un hotel

grandi na Playa tin un Colombiano kedando kende lo ta tratando na bebe bolitanan pa sali cun'e for di Aruba.

Esey a haci cu e rechenan di seccion crimen organisa a haci tur e

investigacion necesario y asina bay na e hotel unda a invadi e camber.

Eyden e haya e homber preparando pa bandona Aruba y ya caba e tabata tin

gran parti di e bolitanan cu cocaina den su stoma.

El a keda deteni y hiba warda y despues liña recta pa hospital unda mescos cu otro mulanan lo dun'e laxante pa

asina e saca tur loke e tabata tin den su stoma y pa despues bay sera pa asina duna cuenta serca juez dentro di algun siman.

CUIDADOR DI PRESO SERA NA KIA ENVOLVI DEN CASO DI DROGA Y LABAMENTO DI PLACA TAMBE

ORANJESTAD(AAN): -- Actualmente den KIA tin un ex cuidador di preso di fam Martes kende ta sintando un castigo di prison pa motibo di a pasa cos pa preso den KIA.

E ex cuidador Martes tabata un cu no tin mucho tempo den servicio di KIA y ya caba kier a viola ley den su trabao.

El a ser acusa di a pasa un telefon celular pa un ca-

bezante di un caso di droga y labamento di placa y kende su caso ainda no a ser presenta ya cu e caso ta asina grandi cu un cantidad di otro persona a cay den e caso aki.

Si tur cos bay bon e preso Martes kende a cobra dos mil dollar pa pasa e celular lo mester sali for di KIA mey mey di aña, pero tur cos ta muestra cu esaki lo no ta bay ta e caso.

E motibo ta cu a bin sali na cla cu e ta meti tambe den e caso di labamento di placa y droga cual caso esun cu el a hiba celular pe ta sera tambe.

Algun dia atras lands recherche a bay KIA y saca Martes for di cel y bay cun'e Playa bek pa asina cuminsa interog'e riba un otro caso cu

e ta envolvi aden ya menciona.

Lands recherche no a trece e mesun dia cu el a ser hiba y a pasa full un aresto preventivo di diez un dia atrobe pa despues ser debilbi na KIA.

Asina por mira cu tur cos ta bayendo cada biaha mas malo pa e ex cuidador di preso Martes.

Segun informacion haya ta bisa cu tin un of mas cuidador di preso basta spanta den KIA ya cu cualkier leak cu por sali durante e interrogacion haci por colga nan tambe.

No tin cambio den prijs di awa y coriente

ORANJESTAD [AAN] Esaki pendiente formalizacion di contrato cu Coastal. Manera ya ta conoci cada tres luna ta adapta e tarifa di awa pa e consumidor y e prijs cu ta cobra N.V.Elmar pa electricidad. Esaki ta basa riba e prijs di e combustible riba mercado internacional.

E averahe di prijs cu WEB ta paga pa combustible durante e di cuatro cuartal di 1999, pues pa October, November y December tabata US\$19.95 pa bari. Un aumento di 5%.

Basá riba e prijs di combustible aki, W.E.B. Aruba N.V. lo mester adapta e prijs di awa y electricidad ENTRANTE DIA 1 DI FEBRUARI 2000, pa e siguiente tres luna, esta pa Februari, Maart, y April 2000.

E consecuencia lo tabata cu: 1. Pa e consumo domestico e tarifa di electricidad lo a bai subi cu un average di mas o menos 1.7%.

2. E tarifa di awa tambe lo a bai subi cu 1.7%. Por ehempel: e prijs pa un meter cubico di awa den e categoria domestico A5, lo a subi di f.5.75 pa f.5.85.

Sin embargo gerencia di W.E.B. Aruba N.V. a dicidi pa no hasi e adaptacion aki y mantene e tarifanan actual. E motibonan pa esaki ta cu:

1. Ta trahando riba formalisa e contrato nobo pa elimina e \$ 1.75 for di e prijs di com-

bustible. Manera a ser acorda recientemente cu Coastal Aruba.

2. Pa evita cu dentro di poco atrobe lo mester adapta e tarifanan di awa y coriente (elec-

tricidad).

Lo warda cu e adaptacion final te ora cu e contrato ta firmá y aprobá pa tanto Coastal Aruba y W.E.B. Aruba N.V.

CARNIVAL DREAM!!

